

qua sunt bona simpliciter & absolutè quidem illa semper, sed huic vel illi non semper. Homines autem hæc votis omnibus expectantque ac persequuntur: quod facere non oportet, sed optare sane, ut que simpliciter bona sunt, ea nobis quoque bona sint: eligere autem ac sumere, quæ nobis sunt bona. Sed iniustus non semper id, quod plus est, eligit, verum etiam quod minus est, in iis, quæ absolutè mala sunt. Sed quia videtur etiā minus malum quodammodo bonum esse: cupiditas autem eius, quod plus est, boni cupiditas est: idcirco videtur ille esse eius, quod plus est, appetens & cupidus. Porrò iniquus etiam contra legem peccat. Nam hoc ipsis, quod peccatum in legem dicimus, omnem iustitiam continet, omnisque iniustitiae commune est. Quoniam autem eum, qui contra leges committit, iniustum esse diximus: qui vero leges seruat, iustum: perspicuum est, ea omnia, quæ legitima sunt, quodammodo esse iusta. Nam cum ea, quæ à scientia legum ferendarum descripta & definita sunt, legitima sunt, tum unumquodque horum ius esse dicimus. Leges autem omnibus de rebus ita loquuntur, ut vel communem omnium utilitatem spectent, vel optimorum yelorum penes quos summa rerum est potestas: & vel secundum virtutem, vel secundum quem alium modum talem. Quocirca uno modo iura appellamus ea, quæ vitam beatam, eiisque parteis, ciuii societate conciliare & conseruare possunt. At lex quidem & viri fortis muneribus fungi iubet, ut locum atque ordinem in acie tenere, neque fugere neque arma abiicere: & temperantis, ut non adulterari, neque cuiquam stuprum infettere: & lenis ac misericordia, ut neminem verberare, neq; cuiquam maleficere. Itemque in cæteris virtutibus ac vitiis, partim iubendo, partim veendo, recte quidem ea lex, qua recte ac salutatius, perperam autem, quæ negligenter & inconsideratè lata est. Hæc igitur iustitia, virtus est illa quidem perfecta, non tamen simpliciter, neque absolutè, sed si ad alterum referatur. Atque ob hanc causam sæpe omnium præstantissima virtutum videtur esse iustitia, neque vesper neque lucifer sancta homines admiratione afficiere. Tum solemus hoc vti prouerbio:

Institia una alias virtutes continet omnes.

Ac perfectissima virtus est, quia perfecta virtutis visus est. Ideo autem perfecta est, quia qui ea prædictus est, etiam cum aliis, & erga alios, non secum solùm, virtutem colere potest. Plerique enim in suis quidem rebus vti virtute possunt, in iis autem, quas cum altero contraxerunt, non possunt. Quocirca præclarè Biantis illud videtur esse dictū:

Magistratus